

平陽府志

卷二十七—卷三十三

平陽府志卷之二十七

仙釋

徂徠有言，天下必無者三：無仙、無佛、無黃金術。有仙則秦皇得之矣，有佛則梁武得之矣，有黃金術則漢武得之矣。斯理甚明，愚者溺焉，汞合炁面壁，鍊證空未易，以口舌爭也。爰採前代以來，游方之外，凡系乎郡者，匯爲一帙。其說愈奇，其事愈誕，姑射綽約，本屬寓言，置不足辨。爲問果老以下，今有視息人間者乎！趺寂尸解同歸，一苑還丹，鉅石適速之亡吁。可鑒已作仙釋志。

陶唐藐姑射山神人臨汾人。《南華經》曰：藐姑射之山有神人焉，肌膚若水雪，綽約似處子，不殯五穀，吸風飲露，乘雲氣御飛龍，而游于四海之外。大浸稽天而不溺，大旱金石流土山焦而不熱，免往見之，窅然喪其天下。

偃佺臨汾人，采藥父也。好食松實，體毛數寸，能飛行，逐走馬以松子遺免，免不服，時受服者皆三百歲。

周馬丹晉狄人。文侯時爲大夫，獻公時爲幕。正公滅狄殺恭太子丹，去至趙宣子，時乘安車入晉都，靈公欲仕之，逼不以禮。有迅風發丹入迴風中而去。詳見《列仙傳》。

關尹喜解人。函谷關尹善內學賞服精華，隱德修行。老子西游喜見函關紫氣，預知真人當

過，物色而遮之，果得老子，遂自執弟子禮以事焉。老子為著道德五千言而授之，後老子期以西蜀青羊之肆，既至，俱白日飛升，著書九篇，曰《關尹子》。

介之推 王名光，晉人也。見劉向《列仙傳》，他書謂光實，未焚死，有人見其賣扇海上，後不知所之。

韓尹丈人名終，又名衆，臨晉人。善幻養，不服食，年百歲，其行如飛。匿迹五老山阿，不知所終。按王子年《拾遺記》：關河之北有紫桂成林，其實如棗，群仙餌焉。故韓終采藥詩云：關河之桂實大如棗，得而食之，後天而老抱。樓子云：韓終服菖蒲十三年，身生白毛，日視書數萬言，皆誦之，冬祖不寒。按韓終詩載于古逸，當是周秦間人。舊志編入，唐非也。

漢河上公 曲沃縣，姓名不傳。結茆庵於河上，賣藥人因稱河上公。文帝慕其人，親往見之，公忽駕茆庵騰空而去。帝在下望空而拜焉。後公入寶山中，注老子《道德經》。帝懇求得見，遂以道德經授之。今縣東北二十里河上村有文帝廟。

王喬 芮城王村曲人。有神術，明宗時以尚書郎出為葉令，漢法畿內長吏，節朔還朝。帝怪其數而不見，車騎密令太史伺之，言其至輒有雙鳧，從東南飛來。於是候鳧至，舉網張之，得雙鳧焉。詔上方診視，則四年中所賜尚書官，屬履也。又每當朝時，葉門下鼓不擊自鳴，聞于京師。後天下玉棺於堂前，喬曰：此天帝招我耶！乃沐浴服飾寢其中，葬於東城，自成

墳。百姓乃為立廟，號葉君祠，又見蒲州。

趙昉臨晉人，天師張道陵弟子。有仙術，後飛升今永泉里趙昉村，其遺名旁有升仙洞存焉。

孫博河東人。讀書善屬文，晚學道。能使草木皆有火光，照耀數十里。行大水中身不沾濡。人有疾，博指之言愈即愈，出入山間石壁，如有穴者，後入林慮山合神丹仙去。

張鐵脚聞喜人。漢末游寓本縣，善服氣，冬不爐，夏不扇，且一足能立者數日，故人稱為鐵脚先生。邑人為之立「長春觀」。

三國焦先字孝然，河東太陽人。年一百七十，常煮白石如羊而食，日伐薪，施人不交一語。及魏篡位後結庵，河湄太守董經往視之，亦不與語。後野火燒庵，先危坐，衣不焦灼。大雪庵倒，居人恐已死，乃析庵索之，見先熟垂於雪下，顏色如醉，乃知其□有欲，從學者先曰：我無道也，後二百余年忽老忽少，乃與人別去。《魏書》云：自義皇以來，一人而已。著有《祝詞歌》見藝文。

晉石鐘真人芮城石湖村人。姓陳氏，行三，隱于北山石室中，其室頂懸一石，狀如鐘，故曰：石鐘真人。真人頓絕塵慮，一日有蟾負芝草來止石上，真人視之，曰：我聞得食芝草，即可輕舉。然有損于蟾，吾不忍為其後蟾復置芝草于地。遂取而食之，蟾竟去不復在，又有野鹿人洞同宿，及真人來京，鹿負行李隨之。一夕夢神人告曰：仙籍有汝名字，又贈汝符職，

當行雨，此鹿即龍也。今大旱，張榜禱雨，爾其收榜，既覺驚異，收榜人淨室中焚香默禱，俄而雲布，遠近雨皆霑足，官屬來謝，則真人已與鹿冉冉上升，衆極目不見矣。

羅玉峰夏縣人，為瑤臺觀開山師。世傳其得道為之立祠，有碑記其詳。

隋裴謚聞喜人。大業中入白鹿山採煉十數年，與王敬伯為友，敬伯曰：仙海無涯盡歸乎！

謚曰：吾蔓醒者不復抵迷，敬伯遂游京洛。貞觀初，拜參軍遷大理，評事賜緋，奉使淮南。

舟次高郵一老人，簑笠鼓棹而過，敬伯視之乃謚也，維舟握手延坐曰：兄所須當以奉給，謚

笑曰：魚鳥各適，何矜炫為。吾市藥廣陵青園橋東數里，櫻桃園北車門郎吾宅也。敬伯至廣

陵間出訪之，果有車門漸進愈佳，青衣傳命，謚衣冠揖入棟宇，器物悉非人世所睹。日暮促

席燃□九光燈光華滿座，女樂數十人，皆絕色，謚又顧黃頭曰：黃王評事吾，山中友別，近

十年宜遠致麗姝，黃頭唯唯，旋引一姬，自西階上。敬伯視之，似其妻趙氏，趙氏亦熟目敬

伯，駭異之，一青衣以玳瑁筭授趙氏。乃趙氏素善者，敬伯取坐間殷色李投之，趙氏顧敬伯

潛擊衣帶間，將曙謚召黃頭曰：送趙夫人。回乃謂敬伯曰：使君宿此，得無驚郡伯乎！且就

館開時再來，敬伯去五日將還。復詣之，則一荒涼地也。惆悵而行及京，奏事畢抵第，趙氏

怒曰：女子誠陋，奈何致以悅人。朱李尚在也。敬伯始悟，謚得仙矣。

唐韓仙君洪洞人，龍朔元年在蜀村山中煉丹。丹成化為白鶴飛去，今村中有廟，廟後丹

竈，遺址尚存。

張果隱中條山，往來汾晉間。世傳數百歲，嘗騎一白驢日行數萬里，休則疊之如紙置巾箱中，乘則以水巽之，復成驢。唐太宗、高宗微之不起，武后召之，佯死於妒女廟前，玄宗時復居恒州山中，使通事舍人裴悟往召之，輒氣絕僕久乃蘇，悟不敢逼，馳白狀，帝更遣中書舍人徐峤賁重書邀禮，乃至東都。舍集賢院，肩輿入宮。帝問治道、神仙事，語秘不傳。果善息氣，能累月不食，飲酒至數斗不醉。果嘗云：「我生堯，丙子歲位侍中。」然其容貌若六七十時。有郭和璞者，知人壽夭，師夜光者善視鬼。帝命和璞推果死生，憐然莫知其端。帝詔，果密坐使夜光視之，不見。帝謂高力士曰：「吾聞飲堇而無苦者，奇士也。」時天寒，因取以飲果，果三進頽然曰：「非佳酒也。」乃寢。頃視齒皆憔悴，顧左右取鐵如意，擊墮之，藏帶中。更出藥傳其斷，良久齒已生，粲然駢潔，帝神異之。欲以玉真公上降果，未言也。果忽謂秘書少監王迥質，太常少卿蕭華生諺謂娶婦得公主，平地入公府，可畏也。二人怪語不倫。俄有使傳詔曰：「玉真公主欲降先生。」果哭。回詔，有詔圖形集賢院，懸辭還山。未幾卒。或言尸解帝為立栖霞觀。今中條山五老峰有張果洞，石上驢迹宛然。相傳為異。見列仙傳。

閻案籍未詳。貞觀十四年為河東太守，避亂不仕。隱中條山。羅通徵買薪事之十九年。拜吉州刺史，通微與俱。後表請入道，賜名道榮，隸桃源觀。朝端盛賦詩以贈之。戎昱詩「廬陵太守近墮官，月帔初朝五帝壇。」今王官谷上方有閻使君宅。按案辭榮入道，亦似賀監然，

以幻養之術度人，則真道家者流矣。

羅通微臨晉人。貞觀時其母趙氏妊通微，有雙鶴翼行，既生。骨相巉削稍長，入山樵薪，遇閻使君家，授以幻養之術。遂冠褐于五老峰之游仙觀，學步虛絕粒，今太乙峰南有步虛坪，相傳是其處。後使君出牧吉州召通微，及境有雙鶴樂聲自玉筍山來迎，既就館，一夕月色皎然，忽騰空吟嘯而去。使君表其事，詔吉州，立真人堂，尋改降生之羅村為蓮臺村。

薛季昌河東人，遇司馬承讓於南岳授以王洞經錄。故高真屢降其室召如入禁掖，延問道德。乃談及精微。上喜之，恩寵優異，尋還山，上贈以詩曰：「洞房修真客條陽，念君將成金闕要，願奉玉清書雲路，三天近松墟萬籟。」猶宣傳秘訣來往，侯仙與昱日丹成，忽曰：「祝融峰今夕有天真之會，予被召當往，遂凌虛而去。」

張惠明越城人。結廬中條山，遇混元子，授以道術。學行超群。代宗詔入便殿，致醺有感，封妙濟大師。尋至西岳，尸解焉。

裴航聞喜人。長慶中游鄂渚，備舟還都，同載樊夫人者，國色也。航賂其侍兒，授以詩。樊答曰：「一飲瓊漿百感生，玄霜搗盡見雲英。藍橋便是神仙宅，何必崎嶇上玉清。」航後過藍橋驛，渴而求漿于茅舍，老嫗呼雲英捧一甌飲之，且曰：「欲娶此女，須得玉杵臼方可。」航求得之，納于嫗，遂成夫婦。入玉峰，餌絳雪瑤英之丹仙去。

呂岩字洞賓，號純陽子。蒲州永樂鎮人。侍郎渭之孫，海州刺史讓之子。母就蓐，聞異

香，見白鶴入帳中，生有异表，日記萬言。會昌中舉進士，不第。咸通中始進士第。遇鍾離子，十試而後傳以金丹秘訣。遊游湘潭、岳鄂、及吳、越、汴、淮間，出入隱顯，人莫之測。每有題咏，稱回道入。金大定三年，過故里，留詩城隍廟壁云：「余自金鑒謁帝回，首陽鄉國暫歸來。群迷不識吾家趣，何日重尋閑苑煤。」礪石公祠，所著詩詞歌訣數萬言，名渾集行於世。今中條玉嵇山純陽洞是其修真處。

侯道華，芮城侯村人。生而如愚，默悟道真。居中條山道靜院，師事院主周悟仙，俾執賤役，儕輩輕之。暇則采藥草，煉五粒松柏子及根葉吞之，人莫識其術。一旦暴疾，如中惡毒，久而乃蘇。悉聞鹽米之氣，好作詩歌獨吟。朗咏有一羽客并一童子忽至，盧中曰：「吾居匪遙，聞君至道。故相訪耳，君仙籍有名。及期來迎，言訖而去。歲余復遇之，令改姓名為李，內芝系名。上清宮院中，鄧天尊殿前林松暗翳，道華啓師砍去繁枝，範陽盧穎自蒲葦來游見而棲責之，乃詣道士姚黃中請筵，姚飲以卮酒，中途遇老人偕行，忽覺喉癢。老人折桑枝攪其喉，吐蟲約三升，頭黑身白，長寸餘，行數里，喉又癢。老人曰：「取澗流而漱，復出蟲三升，遑巡失老人。次早師令下山刈麥三十餘畝，不終日而盡。擔負積院，沐浴而卧。夜半，烈風雷雨折樹驚人，及曉，其戶尚閉。衆開而覓之，不知所往。幾下有焚書遺爐。天尊殿西，一松高六丈，上有爐香，烟火未絕，所輟雙履在地，其冠帔系結松梢，不可得而取之。道華時年三十四歲，乃于縣西北約二里即其降生之地，築臺刻石焉。咸通三年，芮令高立簪，撰降

生臺記。詳藝文。考蒲州舊志，亦載道華以升仙處在州境，但其說不同，今并錄之。侯道華，泊於永樂觀，能升高竄危屋居，常執賤役，暇則手不釋卷。一日，殿梁出光，相傳開元中劉天師丹成，試火死，藏之梁間。忽風雨損殿，道華登葦，得小金盒，有丹吞之。偶入市，醉歸，乃著屐上觀前偃蓋松，悉砍其枝，衆止之不可。曰「他日礙我上升」。縣官至，衆白之，因而責辱。後七日松上有雲鶴，音樂之異。道華忽升松頂，衆始驚惶，縣官亦來謝過。道華揮手揖謝而去。後人采其松作殿梁，至今足游尚存。相傳為異事云。詳見列仙傳。按列仙傳固不如降生臺記之為確據也。

景成先生材器清奇，早契大道，隱居臨汾之姑射洞，功成升菑，遺蜕卧於石上。至今如生。每季春望日，閭境士庶，攀岩陟險，雲聚霧集，遐覽靈踪。拜謁者不啻萬數焉。

王刁河津人。隱居龍門得道。

侯神仙臨晉縣虞鄉人。從師道清觀。資性篤實，人稱為慈子。師令汲水，與一异童每遊戲，常被師笞。侯以實告，師尾視無所見，責愈甚。又告師，遠視廉得其實。師授以鐵針紅綫，令簪重頂間。如命，童痛歸入葡萄架下。踪迹掘地，獲人參如童。大師烹于釜中。下山訪友，侯聞异香滿屋，竊食之至盡，弃余汁于犬。師歸，恐責，急趨西南崖。步迹長五六尺許，至今猶存。師召回，問所余，曰：「飼犬矣。」師欲宰犬，求汁自益，侯與犬竟飛去。

常丑女蒲州人，常志女，生而貌陋，嘗患風狂，身有瘡疥，屢醫弗瘳，及笄無媒，聘問者一日出外，以蒙蒙其首，居人畏其裸而避之。浴於池，出則體變如玉，身不着地，冉冉騰空而去。

後唐洪涯子神山任張里，名居敬，年四十，辭家入山，訪求至道。遇山神引見景成子，得姑射洞為養真之異境，居焉。能變化得藤葛橘柚木雪諸精為侍衛。出入神異。明宗知之，詔封，稱旨。賜爵祿不受，辭歸。積行累功，進德增善，諸靈懾伏。道滿日，假葬衣冠，脫然而去。宋熙寧九年，範咨撰碑記。

宋丘長春隰州人。宋建隆間，隱祈真觀。一日空中仙鶴繚繞，駕雲而升。留詩曰：「生死朝暮事一般，幻池出沒水常閑。暉光顯處躍烏兔，玄景開時納海山。揮斥八紘如咫尺，吹噓萬有似機關。狂詞落筆成塵垢，寄在時人妄聽間。」

張伯端天臺人。翼城縣紫陽宮其修煉地也。按列仙傳，宋神宗熙寧二年，伯端游蜀，遇劉海蟾，授以金液還丹之訣，乃改名用成，字平叔，號紫陽山人。英宗治平中，隨龍圖陸公寓桂林，後轉徙秦、隴。久之，訪扶風馬處厚于河東，著悟真篇，授處厚曰：「平生所學盡在是矣，願公流布此書，當有因文而會意者。」元豐五年夏，尸解而去。住世凡九十九歲。弟子用火燒化，得所謂耀金姿者千百粒，大如芡實，色皆紺碧。後七年，劉奉真遇紫陽于王屋山，留詩而去。紫陽嘗謂已與黃勉中維揚于先生，皆紫薇星，號九皇真人。因誤校勘，劫運

籍遂謫人間。今紫微垣光耀可見者六星而已。

無名老人襄陵人，姓陶農家子。其母賈氏，夢青衣童捧金盤，獻一果如瓜，半紅半黃，言上仙賜汝無名果也。因孕十三月而生，性沉靜，寡欲，舉動與群兒異。常隨丹陽馬，祖師還關服勤三年，馬曰：「此非干汝事，汝自修行去，於是浩然長往，隨方乞化，凡七年，忽覺體輕步健，一日，讀太上西升經豁然有省，謂同行曰：「我今還鄉去也，年前有韶州王氏請住庵，我已許往已。」而王氏果至即索湯沐畢，振衣留辭，奄然而逝。年八十有六。平生所著詩皆仙家專語，語見道，非食烟火人所及也。

皇甫靖臨汾人。母武氏，夢陟異境，一神人以桃授之，武捧食已，而有娠。既生靖。額放光明，親識悚異。稍長，見鄰兒歿者，喟然嘆息，遂有方外志。嘗往古耿，將及高塘，偕行者竊物循去，略不介懷。淹旬詣同州，再遇于途，靖絕口不道前事。同過馮翊，至長安，猶與居。一日，持靖匣中藏通酒家，令人招靖。及往見，其劇飲酣暢，婢媼列左右。靖僂首一酌先歸口。暮，客還宿，聲渴于靖，且使汲水。為取之，客笑曰：「小子氣和，亦可教也。」下榻披戶而出，久不還。靖疑之，束溫往迹，無所睹矣。客舍杜門如故，還視，席下有黃金焉。正酬所失，嘆惋久之。道出商山，愛其聳秀，一虎突出，靖亟趨避。忽見茅舍中坐幅巾老人，曰：「是何少年？倉卒如此。」對以虎逐狀。曰：「已去矣。」延坐慰藉，問疇日長安事。曰：「彼遺金，可償所失乎？」靖再拜稽首。留之百日，諭蒙解蔽，不一而足。因知為

郭先生。先生忽語靖曰：「吾候子久矣，翌日歸真，子可辦吾後事。」仍出款書各題所與者，俾之傳達，乃孫長老、劉真人、郭師、曹先生也。黎明靈化。靖如所囑，訖事出山。先詣江州，訪孫長老，見之留數日。遂適嵩山，謁劉真人，既達林麓，忽有人呼曰：「來何暮耶？」靖前揖之，真人導靖，示以神用，觸石如入虛，游空如履地，變化莫知紀極。靖告還，又往廬山謁郭師。赴都侯曹先生。遂見二公達書而返，嘗渡大江，風浪架空，靖仗劍禹步，波濤頓息。未逾時，而舟行數百里。過鞏州，河失故道，沒民田數百頃，靖為書符，丙夜投之河，遠近聞兵甲聲，詰旦，河復舊流。蜀人畏鬼，靖游興元，逢寒食，俱以反界地，立旗幟。咸云祭鬼，犯者禍立至。靖拔幟籍之，儼然安坐。人皆悚異，圖形供養。歸平陽霍邑，令籍官庫金銀赴府，既緘封失之，大索盜者，牽染百人，未能得情。令請於靖慨然曰：「百人之間，豈無冤濫耶！」乃謂隸曰：「汝曲已得真偷矣，比至縣，果見狂夫走廳，事自言盜狀物。亦全獲其顯驗，異迹類如此。政和八年，走三山寶□壇前得三洞真篇暨法衣一襲而歸曰：『吾夙志酬矣。數日而逝，詳毛安節所立傳。見藝文。』」

朔髻頭夏縣如意里，絕戶朔德之遠祖也。在宋世於邑北至五十里與聞喜壤處大溝上架木橋，後出游方外。至明正德間有髻頭道人來至橋邊，自稱姓朔指其宅墓，故址且言村巷某處舊有碑白，今胡不見。鄉人掘二尺許得亡人皆驚。居數月，僕與張鸞種田，忽不見。又里中三人商旅陝西，經過一山，見石岩有洞，內一羽流，呼三人姓寧，手引入洞，以鄉里稱之。款留

以飲食。辭出洞外，人言已越三日矣。回顧不見其處。

張志樸，稷山縣人。煉形苦性，衲衣露膝，行丐汾、晉間，脅不占席者三十餘年。雖寒暑不急，一鉢之外，餘無所奉。城北創建洞神宮，賜號淳德大師。元至元十四年羽化。

曹仙媪，大寧縣宋人，於金時至馬關關黃河之西岸，携一幼女，隨一犬，手曳鐵杖，鐵履息大柳之下，招水工求渡。自云「從天根頭來。」工以水漲，拒弗渡。仙媪微笑，同女、犬步水面，徑達東岸，登石龕中。時群犬隨吠，居民大駭，往視之，媪與女、犬俱入寂矣。因塑像祀之。媪最靈，邑人供香火祝男女者，歲不絕。有元人郝季隆碑。

南宋王道源，太平賈岡人。善易學，南渡時，避金兵隱于西山之麓。淳熙五年，遇异人杖履而化。後人即其地為清廉洞。歲旱禱雨輒應。

李寶，安邑人，小字三十。因守池失盜，出家修行，後寒暑不侵，談笑若狂，每日上市見之者，輒得利，人圖其像以為「利市神。」金大定二十年，奉世宗詔，賜方外衣，不受朝退，失履而去。自燕京至本縣二千餘里，不二日已還。尋仙去。

呂道章，垣曲小趙村人。金大定間為縣吏，夜夢神告以修養術。寤即避居洪慶觀，修養數年，治疾有奇驗。尋重修本觀，市材管州山放筏，遠近不一，道章身董之。即訖，解衲置黃河水面，坐其上，順流而去，莫知所終。

郭元長，趙城人，生而聰慧淡寂，七歲出家，禮道士郭貞堂為師。常為旱禱雨，奉教主醮無

不獲應。泰和七年，充提點太極，授元靜大師，賜紫服圭璋。壽七十有二，自知其終，里人立祠祀之。

何南卿字東夫，本蜀閬城挹秀坊御史之裔，博極群書，精義理之學，值亂俘于北，金大定丁酉設貢舉于平陽，遂中選，因得免俘，然其志亦無意于仕進。往來汾、晉間，從黃冠師披雲，宋公賜名志淵，號清真子。授以講衍之職。拔雲卒朝，命提點永樂純陽宮，賜紫衣，號淵靖大師。至大辛亥，卜居芮城中條山水谷，創樂全觀而老焉。年九十一，耳目聰明，能書細字，無疾而卒。葬水谷之南數里。弟子雲集，為起冢立石焉。所著有《南華經》十三卷，《水谷代腹》七卷，今皆散失。惟各祠廟及民間所泐作石刻數十篇存書。前進士何南卿或書『志淵』者，就事言也。

王峭腿小字醜人，安邑人。幼好道，生平未讀書，亦無師授。善作詩，鄉人异之。後過河南鄆州、鄆城、鄆陵等處，其詩詞走筆如神。禮部尚書趙國臣，并中州高士以師事之。述懷詩曰：「天高三二指，地厚一魚鱗，東海一勺水，西華一捻塵。擺手乾坤窄，睜眸日月昏。抬頭天外覷，無我這般人。」間字詩曰：「閒閒林下山，閒常袖手且開顏。客不迎送，交無往還。餓食松柏子，渴飲澗溪泉。榻上坐，邀明月，窗前卧，看青山。落魄一生真是樂道遙，萬事不相關。」吟畫角詩曰：「調高風緊正淒淒，百尺樓頭帶月吹。丹穴夜寒孤鳳叫，碧潭秋靜老龍悲。天涯客子初聞處，塞上將軍乍聽時。便是鐵人生鐵膽，定應聞此泪雙垂。」

仙姑馬守明，永和上桑里民家之女。其母夜夢駕鶴，玉童自空降于庭曰：「暫寄汝腹」。覺而有娠，生時彩霧滿室，香聞諸鄰里。幼而敏惠，長有仙姿。及笄，不事女工，澹泊自若。或問其故，曰：「繁華非我志也，豈效世之處子乎」。既而父母俱喪，堅貞自守，不以俗務經心。遂謁甘泉女冠張妙清為師。居三載，丙申，適絳州，舍於李氏之家。越明年，上元日，無疾枕肱而逝。氣微而容不變，三日復蘇，語人曰：「予暫游紫府，再會群真。自此不復穀食，但果蔬飲水而已，日夜靜坐，能知未來吉凶，語罔不驗。有災疾求醫者，不延藥呵禁，頓愈。歲遭旱蝗，設壇密祝三日而除滅。時丁歉歲，化導富室，設食當途以賑饑者，一日相三林南社莊地之形勢，東連絳陽，西接高崗，北倚姑射，南瞰汾流，可以栖真養氣，作菟裘終焉。於是士庶咸樂襄事，所以廟觀殿閣，星分基布，靡不異具。歷七八載，厥功告成，復有四方慕德者，施建庵舍十餘所。至戊寅二月望日，沐浴更衣，大集徒衆曰：「內外行各皆勉旃，予有先師之約，不可違期，遂留一絕云：『七朵金蓮數，暫來人世間。闕功今補足，紫府却歸還』」。筆落端坐而逝，時年六十有四。

劉欽水，安邑人。居西紐延祥觀，得神仙服水法，脫身飛升，口吐金蟬化去。

烟霞真人汾西縣僧，幼好善，及長，遂弃妻子，隱姑射山圓仙洞中。修煉五十餘載。癸丑歲端午日，忽辭衆曰：「今群仙約赴蟠桃，吾當去矣」。言訖整衣坐化。元大德間，賜號真人。

□此釋也，而其事皆道家之事，故列于道焉。

丁善淵字湛然，垣曲人。幼聰敏，通經術為鄉里所重。年十六，父命為道士，居洪慶觀。德望隆重，朝廷以紫衣通玄之號。尋受法籙，呵禁厲鬼，有顯應。真祐末，河東兵亂，紀邦瑞鎮葛伯城，殘忍好殺，善淵諷諭全活者甚衆。年五十八，一旦，升几而坐，朗朗飛升，門徒奉遺衣葬于觀北。

劉志淵字海南，萬泉李其鄉人。其未生時，牡丹先開，人皆異之。及誕育，紅光滿室。迨為兒童，不作嬉戲。事親至孝，識者稱為今之魯子。夙慕仙道，自號玄冲子。後遇長春真人於栖游庵，值金亂，淵避兵於綿山，雖萬騎蹂踐，獨不羅于害。壽七十有九。

王予可吉州人。字南雲。父本軍校，南雲亦隸籍。年三十，大病後忽發狂，能揮筆作詩文，及說世外恍惚事。南渡後，居上蔡遇文士，則稱大成將軍，于佛前，則諦摩龍什於道。則□天玄俊於貴游，則咸錦堂主人。為人軀干雄偉，貌亦奇古，戴青葛巾，項後垂雙帶，若牛耳，一金鍊鐶，在頂額之間兩頰以青涅之指為翠靨，衣長不能掩。脛放時，人有哨腿王之目落魄。嗜酒，每入城市，人爭以酒食夜宿工室中，人問其故，其應如響，其所引書，皆世所無有人與之紙落筆數百言，或詩或文，多六經中語及詔學古文奇字，壬辰亂，為順天將領軍所得，館于州之瑞雲觀，南雲明日見將領，自言「我不能住君家觀也」。越三日病卒，後復有見之于淮上者。

元酈希誠襄陵縣萬聖觀道士。生而骨法高古，豐神迥異，見者莫不肅畏。年十五，決意入

平陽府志
道，自金季道士劉德仁以苦節危行為要，不妄取于人，不苟侈于己。五傳而至希誠，居燕城天寶宮見知。憲宗始名其教曰「真大道」授希誠太玄真人。領教事。內出冠服以賜，仍給紫衣三十襲，賜其從者。至元五年，世祖命徒孫德福統轄諸路真大道，錫銅章，二十年改賜銀印。今有碑，劉虔撰記。

姜善信趙城人。生而异衆，資稟恬默，嘗禮蓮峰真人靳道元為師。既而隱居碧雲洞十餘年，塊坐一龕，心如止水。中統間，世祖南侵，駐師驛亭，召善信問行師事。特陳仁義之舉，後屢聘言人事多中。嘗過龍門，見禹廟東向，鑿山修之，改為南向。順帝詔問禹所行之道，引《大禹謨》以對。又奏修堯廟，告順帝當法堯、舜，順帝賜銀二百錠，官材二萬根，為修廟之資。善信不受，但募化修完。年七十八而逝。其夜有青虹貫斗之祥。順帝追封靖應真人，敕李槃撰《道行碑》。按中統，乃世祖初立年號，時與金人交兵，善信蒙召，當在學道有成之後，年僅七十八，安能至順帝時尚在耶，故《趙城志》未言修廟事，或至正時修廟者，另有一姜道士，亦未可知。

毛道真夏縣人，元至元間，修養于瑤臺山。既卒，門人立祠塑像祀焉。後數年，自河南募緣得物，覓小車數輛，載之抵夏，數里渡河，濕其雙履，託以且炊，先行。及挽車人至，詢之，則死已久矣。一觀大驚。瞻視祠像，雙履尚濕，人意其尸解特假是以顯神化耳。

李純夫燕山人。弱冠登進士，不樂仕進，弃官為黃冠雲游，卜隱王官谷，構了了庵於貽溪